

Uno che si vorrebbe maritare,  
ma non sa a qual donna appigliarsi.

### CANZONE L.

Mi m' voria marieme,  
Ma j' eu por d' angavigneme,  
E carieme d' una cros,  
Ch' 'l fumlam pià com' s' sia,  
L' è una certa marcansia,  
Ch' andvinela l' è scabros,  
Ch' andvinela l' è scabros.  
Una bela a m' piasiria,  
Ma sarà pa tuta mia,  
Prchè a tuit a pias 'l bel;  
A l' avrà cinquanta givo  
Sempre d' antorn, ch' a sarà privo  
Ch' i resteis un bel osel.  
Gnanca bruta i veui pa piela,  
Ch' a m' vneis veuja d' campela  
D' vote peui s' un liamè;  
Prchè vedse una bruta creatura  
Sempre dnans, a l' è cosa dura  
A podeila soportè.  
S' i m' buteis a fè la ronda  
A quaicuna ch' a fuss bionda,  
I restria forse gabà;  
Motobin a l' an curta vista,  
A son mole com' la rista,  
E d' un natural dlicà.  
S' a m' sauteissa peui la lunna  
D' acobieme con quaich brunna,  
I saria dco ambrojà;

Tuta cousta sort d' fumele  
 Son ardie e tartavele,  
 E pi d' j' aitre acalorà.  
 Quante angano dco la spia,  
 Ch' a bucheje ognun diria,  
 Ch' a restran mai mangagnà;  
 Ma patient peui la graviansa,  
 Un ai ved a cambiè ciansa,  
 E restè d' ocat bagnà.  
 A s' peul dè ch' i capiteissa  
 Una turgia, e ch' i resteissa  
 Senza erede e succession;  
 O peul esse ch' a saria  
 Una vaca a dè an partia,  
 Ch' a m' na feissa giù un baron.  
 Coui ch' a pio ste goblue,  
 Ste morflose e gavassue,  
 A l' an bin un gust da gnoch.  
 Seve lo ch' mi na faria?  
 L' è sigura ch' ij daria  
 Tute an cambi d' articioch.  
 M' è pi car piè una borica  
 Ch' una fomna ch' a sia rica,  
 Ch' un la peul pa dominè;  
 Tuti i di pr lor l' è festa,  
 E l' an tanta boria an testa,  
 Ch' a s' vergogno d' andè a pè.  
 Piè quaicuna senza dota,  
 Quand i feissa coula bota,  
 I saria bin un mat;  
 A m' costria bin la sausa  
 A sposè una rova descausa,  
 E mantnila ancor sul pat.  
 Una ch' a l' abia gran babia,  
 S' i la pieis, a m' sturnieria  
 Tuti quanti i di 'l cupis;

E peui couste, d'ordinari,  
 A son sfrontà com' d'urinari,  
 E l'an poch o nen d'ardris.  
 S' i m' carieis d' una mutinna,  
 A m' faria sauté la flinna  
 S' a m' parleissa poch o nen,  
 Da ste si un peul pa gaveje  
 So pensè, nè mai saveje  
 S' a l'è nivo o pur seren.  
 Piè quaicuna trop alegra,  
 A peul esse una pelegra,  
 O ch' a l' abia bin poch sust,  
 E ch' a m' obligheis a pieje,  
 A voleje o nen voleje,  
 Bin soens quaich mesura d' bust.  
 A carieme d' una sposa,  
 Ch' a fuss trop malinconiosa,  
 Che piasì n' avrijne mai?  
 Vedme fè tavota 'l muso,  
 I restria deo mi un tuso,  
 O ch' j' avria sempre d' guai.  
 M' an propost una garsonna  
 Verament d' famia bonna,  
 Ma l' ha un nas ch' l' è trop pontù;  
 Coule son trop dottorue,  
 Pontigiose e subricue,  
 Tant ch' a m' an pa mai piasu.  
 Una ch' a l' abia 'l col da grua  
 A mangia d' roba cheuita e crua,  
 Senza invidia a un animal;  
 A la larga una paria,  
 L' è pericol ch' a m' butria  
 Prest a j' us o a l' ospidal.  
 N' altra, ch' a fassa la pietosa,  
 A m' pias nen; bin soens a l' è smorfiosa,  
 Faita espres pr gabè 'l mond;

S' i na pieis una paria,  
 A l' è infalibil ch' i saria  
 Senza riva e senza fond.  
 S' i ciapéis bin grossa dota,  
 Ma ch' a fuss una bigota,  
 I faria un gram giornal;  
 Couste si son d' una rassa,  
 Ch' a s' fan vede sante an piassa,  
 E peui son teste d' paramal.  
 A saria cosa dura  
 S' a m' tocheissa pr sventura  
 Una fomna desbaucià,  
 Com' pur trop ai na j' è tante,  
 Ch' a s' figuro esse galante.  
 Ma fan mila pastrocià  
 E s' i capiteis quaich loira,  
 O servel da davanoira,  
 Com' avrijne mai da fè?  
 L' è innegabil ch' a m' faria  
 Consumè tut lo ch' j' avria,  
 E peui forse ancor cherpè.  
 Ma mi veui furni sta landa,  
 Nen savend pi da qual banda  
 Trovè coula ch' a m' conven;  
 I concludo, e peui i taso,  
 E mandrai a fè da l' aso  
 Le fumele e chi ij sosten.

### Le Figlie da maritare.

#### CANZONE LI.

Scotè bin voi aitre fie,  
 Ch' ij sè tant acalorà,  
 Ch' a s' peul disse ch' j' aviscrie